

DOCTRINAE CHRISTIANAE

taliq; letitia sumus perfusi. Nam uerisimile est, tãto apud uos errorum tenebras incubuisse pridem densiores, quanto uobis aduersaria Christi potestas imminet propius. Illæ ergo cum luce Euangelij, feliciter adeo & potenter per Christi spiritũ, incipiant dispelli, quis Christi amans & uestra caussa non eximie gaudeat, & tanta se Christi ubiq; ferè uirtute rursus exerente, non optime speret, spiritu oris eius, propediem tri occisum hominem illum peccati, perditionisq; filium, qui in ignorantia Dei, mundum tenuit tam diu captiuum, ac mox illustratione aduentus eius penitus abolendum, ut tandem extincto & hoste postremo, morte, contingat, plene innouatis nobis, Deum omnia esse in omnibus?

VI. Vicissim igitur cupientes, & uos mutua consolatione aliqua afficere, nostrumq; erga uos amorem & studium *Cur Italis* testari, cum in presenti, nulla alia occasio se offerret, hor- *fratribus,* tatum uestrorum, tum quorundam aliorum fratrum, *opus hoc* Quartum Tomum enarrationum in Euangelicas atque *in scriptũ.* Apostolicas lectiones, quæ dominicis diebus, ad missam so-
lent recitari, authore insigni Christi ministro, Martino
Luthero, nuper in nostra uernacula lingua editum, quem
hisce diebus in linguam latinam, utcunq; uerti, uestræ dile-
ctioni statui nuncupare, præsertim cum prioribus tribus
Tomis, illi uestri, nõ tam oblectatos, quàm adiutos uos nar-
rauerint. Indubie non minus in hoc, quàm illis prioribus,
Christus feliciter prædicatur, officijq; sui, qui Christo de-
cuerunt nomen, grauius & sancte monentur. Dignum
omnino